

opus. PA-I-1402-14

ACADEMIA PRO INTERLINGUA

— ANNO XXV —

Directore: G. PEANO, prof. in Universitate de Torino - Cavoretto, Torino.

Vicedirectore et Thesaurario: Dr Prof. G. PAGLIERO - Via S. Francesco 44, Torino.

Discussiones, tomo III, N. 5.

15 augusto 1912.

DELIBERATIONE DE ACADEMIA

Interlingua habe suffixos: *-re* (infinitivo de verbo), *-to* (participio passivo).

Vide pag. 103.

PROPOSITIONES IN DISCUSSIONE

(*Propositiones cum 6 aut plus adhaesiones*).

I. — VOCABULARIO

1. *Deliberatione de Academia in 1910.* 83591

Academia praeparat vocabulario de voces latino non anglo, et necessario.

2. *Propositione contra 1.*


Academia adopta toto vocabulario latino.

Vide pag. 101.

Pro judica si Academia debe adopta solo parte de vocabulario latino (secundo propositione 1), aut toto vocabulario latino (propositione 2), es necesse de habe collectione de vocabulos latino non anglo, et necessario, et collectione de vocabulos de latino mortuo et que pote es substituto per voces plus internationale.

« Vocabulario internationale » de socio Basso, da catalogo quasi completo de vocabulos latino-anglo, plus vocabulos latino non anglo (et vocabulos non latino) que auctore puta necessario. Quando isto vocabulario es toto publicato, socios es in gradu de judica inter propositiones N. 1 et N. 2.

Ergo, nos preca auctores de propositione N. 2, de suspende votatione super isto quaestione, usque ad termine de vocabulario de Basso.



Usque illo tempore, omni socio que scribe in lingua de Academia, pote adopta parte aut toto vocabulario latino; nam ubi Academia tace, nullo decisione es facto.

Solutione radicale de isto quæstione, es publicatione de toto vocabulario latino, cum indicatione de internationalitate de singulo vocabulo, et de synonymos. Existe socio que vol fac isto publicatione?

II. — ORTHOGRAPHIA

1. *Deliberatione de Academia in 1910.*

Omni vocabulo internationale, que existe in latino, habe forma de thema latino.

2. *Propositione contra 1.*

Nos debe substitue *ph* per *f*, *th* per *t*, *æ* et *œ* per *e*, *c* gutturale per *k*, et supprime vocale finale.

Numeroso socio evolve quæstione de orthographia, in « Discussiones ».

Thema latino, per exemplo *rosa*, es vocabulo latino, scripto in vocabulario etymologico de omni lingua moderno; nam A. D. F. *rose*, H. I. P. *rosa*, R. *roza* deriva ex L. *rosa*. Deformato in Volapük *lol*, aut Esperanto *rozo*, aut Neutral *ros*, non es plus vocabulo latino. (Pagliero, Discussiones t. I pag. 59).

Principio de internationalitate maximo duce ad conservatione de orthographia etymologico; *ph* es conservato in A. D. F. P., et mutato in *f* solo in H. et I. (Bernardi, Discussiones t. I pag. 159).

Suppressione de vocale finale es impossibile in monosyllabos *i*, *da*, *de*, *me*, *ne*, ... (Bernardi, Discussiones t. I pag. 214), redde difficile aut ambiguo determinatione de vocabulo in vocabulario latino, et produce homonymos numero citato in Discussiones t. I pag. 83 et 215.

Ecce alio exemplos de vocabulos latino-anglo, ex vocabulario de Basso, distincto solo per vocale finale:

aude audi; *aure auro*; *avi avo*; *clave clavo*; *colla colle collo*; *da de*; *fama fame*; *fila filio filo*; *grade gradu*; *libra libro*; *lima limo*; etc.

Substitutione de *æ* et *œ* per *e*, facto in F. H. I. P., et quasi semper in A. (non in D.) es solo modificatione que responde ad

principio de maximo internationalitate (Basso, Discussiones t. III pag. 88).

Propositione de phonetica, pag. 103, non responde ad idea de proponentes: Basso (vide suo « Grammatica de latino internationale ») et Autschbach, pag. 103.

G. PEANO, *directore*.

G. PAGLIERO, *vice-directore*.

DE ORTHOGRAPHIA

Principio de *Academia* in isto quaestione es que vocabulos internationale es reproducto sub forma de « *thema latino* ». Me crede que Comitatu vole conservare isto eccellente principio. Sed es necessario que nos adopta definitione de thema latino. Multo personas, etiam docto, non sci in modo exacto quid es thema latino.

Me propone definire thema latino per regulas sequente, que es conforme ad bono consilios dato in publicationes de S^{res} Peano, Hartl, Basso et Bernhaupt.

Propositione 1. — Thema latino de nomines (substantivos, adjectivos et pronomines) es identico ad suo *ablativo singulare latino*, excepto que desinentia *i* de ablativo es mutato in *e*.

Ex. *rosa*, *domino*, *templo*, *amore*, *tribu*, *die*, *illo*, *isto*, *bono*, *paupere*, *vetere*, *se*, *celebre*, *breve*, *mare*, *nave*.

Propositione 2. — Thema de verbos corresponde ad suo *imperativo latino* (2^o persona singulare), suppresso desinentia *re* de imperativo deponente.

Ex. *ama*, *time*, *lege*, *audi*, *imita*, *receve*, *seque*, *menti*.

Propositione 3. — Vocabulos invariabile de latino es reproducto sine alteratione.

Ex. *in*, *ex*, *ab*, *de*.

Propositione 4. — Vocabulos terminato per suffixo *ma* es citato sub forma de nominativo latino.

Ex. *thema*, *drama*.

Propositione 5. — Forma de nominativo latino es etiam adoptato pro pauco vocabulos sequente: *duo*, *tres*, *nos*, *vos*, *id*, *idem*, *nihil*, *nemo*, *quis*, *quid*. Thema de latino *qui*, *quae*, *quod* es *que*.

Propositione 6. — Lice conservare desinentia *i* de ablativo